



Sarajevo, 8.5.2026.
MEDIJIMA

SAOPĆENJE ZA MEDIJE

Dan Evrope obilježen izložbom i dodjelom nagrade mladim kreativcima

Povodom obilježavanja Dana Evrope u Bosni i Hercegovini, Direkcija za evropske integracije je u petak, 8. maja 2026. godine, u Muzeju književnosti i pozorišne umjetnosti u Sarajevu organizovala izložbu i svečanu dodjelu nagrada mladim kreativcima za najbolje radove o temi „Mostovi koji nas povezuju“.

Ova aktivnost je usmjerena na mlade koji predstavljaju važnu ciljnu grupu u procesu evropskih integracija, a tema „Mostovi koji nas povezuju“ simbolično odražava temeljne evropske vrijednosti.

„Tema mostova nas podsjeća na ono što je suština evropske ideje – povezivanje ljudi, ideja i vrijednosti, a u fokusu su mladi – njihova kreativnost, njihova energija i njihova vizija budućnosti. Upravo kroz ovakve inicijative želimo ih dodatno uključiti u proces evropskih integracija, ali i stvoriti prostor za razmjenu ideja i nova partnerstva“, izjavila je direktorica Direkcije za evropske integracije Elvira Habota.

Nagrade su dobili **Adisa Gagula, Amina Tuno i Bakir Rokvić.**

U okviru događaja upriličena je izložba pristiglih radova s konkursa, kao i prezentacija radova mladih umjetnika nastalih na likovnim kolonijama u Trebinju, Bihaću, Jajcu, Mostaru, Hutovom Blatu i Sarajevu, a koje je Direkcija organizovala u saradnji s akademijama likovnih umjetnosti u Bosni i Hercegovini.

Program su dodatno obogatili nastupi mladih muzičkih umjetnika iz Srednje muzičke škole u Sarajevu, te interpretacija pjesme „Vezeni most“ Nasihe Kapidžić-Hadžić, koju je izvela Šejla Šehabović, direktorica Muzeja književnosti i pozorišne umjetnosti.

Direkcija za evropske integracije